

Summary Outline of Tish'a Be'ab Reading

I. Negative Warning

Sin .a

(כה) כי תוליד בנים ובני בנים ונושנתם בארץ והשחתם ועשיתם פסל תמונת כל ועשיתם הרע בעיני ידנד אלהיך להכעיסו :

Punishment .b

(כו) העידתי בכם היום את השמים ואת הארץ כי אבד תאבדון מהר מעל הארץ אשר אתם עברים את הירדן שמה לרשתה לא תאריכון ימים עליה כי השמד תשמדון :
(כז) והפיץ ידנד אתכם בעמים ונשארתם מתי מספר בגוים אשר ינהג ידנד אתכם שמה :
(כח) ועבדתם שם אלהים מעשה ידי אדם עץ ואבן אשר לא יראו ולא ישמעו ולא יאכלו ולא יריחו :

Repentance .c

(כט) ובקשתם משם את ידנד אלהיך ומצאת כי תדרשנו בכל לבבך ובכל נפשך :
(ל) בצר לך ומצאונך כל הדברים האלה באחרית הימים ושבת עד ידנד אלהיך ושמעת בקלו :
(לא) כי אל רחום ידנד אלהיך לא ירפך ולא ישחיתך ולא ישכח את ברית אבתיך אשר נשבע להם :

II. Positive Inspiration

(לב) כי שאל נא לימים ראשנים אשר היו לפניך למן היום אשר ברא אלהים אדם על הארץ ולמקצה השמים ועד קצה השמים הנהיגה כדבר הגדול הזה או הנשמע כמהו :
(לג) השמע עם קול אלהים מדבר מתוך האש כאשר שמעת אתה ויחי :
(לד) או הנסה אלהים לבוא לקחת לו גוי מקרב גוי במסות באתות ובמופתים ובמלחמה ובנד חזקה ובזרוע נטויה ובמוראים גדלים ככל אשר עשה לכם ידנד אלהיכם במצרים לעיניך :
(לה) אתה הראת לדעת כי ידנד הוא האלהים אין עוד מלבדו :
(לו) מן השמים השמיעך את קלו ליסרך ועל הארץ הראך את אשו הגדולה ודבריו שמעת מתוך האש :
(לז) ותחת כי אהב את אבתיך ויבחר בזרעו אחריו ויוצאך בפניו בכחו הגדל ממצרים :
(לח) להוריש גוים גדלים ועצמים ממך מפניך להביאך לתת לך את ארצם נחלה ליום הזה :
(לט) ונדעת היום והשבת אל לבבך כי ידנד הוא האלהים בשמים ממעל ועל הארץ מתחת אין עוד :
(מ) ושמרת את חקיו ואת מצותיו אשר אנכי מצוך היום אשר ייטב לך ולבניך אחריו ולמען תאריך ימים על האדמה אשר ידנד אלהיך נתן לך כל הימים : פ